

第三本

卷五 營建 32

城池 鋪舍 公署 津梁 倉儲 坊表 驛站 養濟

卷六 學校 13

學宮 書院 學田 義學

卷七 典禮 6

鄉約 上任 慶賀 行香 開讀 祭祀 鞭春 賓興 救護 耕藉 祈禱 鄉飲

卷八 秩祀 49

廟祠 塚墓 寺觀 壇壝

嚴州府志

笑廬署

嚴州府志卷之五

營建

城池 公署 倉儲 驛站

舖舍 津梁 坊表 養濟

興作之務自古不廢是以封守有制蒞治有堂築輶

軒之館通利濟之方無非保障斯民之意也至積儲

以備荒坊表以型俗尤爲教養所關月令載城郭宮

室關梁按時而舉春秋於復闕宮修御廩特爲褒美

良有以耳志營建

城池

嚴州府

府城池

建德縣附郭舊志一名羅城南臨江西南臨湖
東北倚山唐中和時刺史陳晟築周十九里宋

宣和三年平方臘知州周恪重築縮爲十二里二步
有八門東曰望雲南曰定川曰安流西曰安泰曰和
平北曰嘉貺東北曰百順西南曰善利紹興八年知
州董棻修嘉定癸酉知州宋鈞修元因之明洪武初
改築西北移入正東三百五十步正北移入正南八
十五步正東移出一百六十步周八里二十三步六
分高二丈四尺闊二丈五尺門有五東曰興仁南曰
澄清西曰和義北曰拱辰西北曰武定各覆城樓護
以月城惟拱辰門附山不設月城爲舖四十有八東
西北爲城濠各一千一百有五步明宏治四年知府
李德恢修嘉靖三十七年知府韓叔陽徧築敵臺萬
厯五年知府楊守仁重修崇貞十六年知府胡崇德
加磚五尺

國朝康熙十二年知府梁浩然建德縣知縣項一經同修
二十一年大水知府任風厚修二十五年又水任風
厚偕同知張超越通判王嘉植暨建德縣知縣戚延
裔復修雍正三年知府張芳修乾隆九年洪水衝塌
知府富紳同知王元令知縣上官德輿重修十九年
知府吳士進司知史鳳輝建德縣王賓捐修東南二
隅咸豐辛酉寇毀同治癸酉知府宗源瀚請欵修築

涪安縣城池

舊志城南枕新安江北連岡阜輿地志云賀齊築迄唐神功閱四百八十九年常為

郡治其子城周二里二百二十五步今縣乃其舊址也久已無城四面皆樓閣環衛明知縣洪英海瑞相繼建門有四南曰青溪北曰石峽東曰嚴陵西曰新安

國朝

乾隆九年洪水知縣劉希洙請帑金於西南一帶築石勘累磚其上為女牆數百丈以防水

遂安縣城池

舊志城在木連村溪北唐武德四年徙於五獅山之南是為今治周二里二步明正

德癸酉知縣容九霄築萬歷二年知縣吳撫謙預備礦寇重加修築廣袤七百七十七丈有奇為門五東曰興文西曰靖武南曰向明北曰拱極西南曰小西門各建城樓及窩舖

國朝

乾隆十七年知縣吳培源奉文重建五門城樓

壽昌縣城池

舊志城在郭邑里屢火徙縣東仁豐鄉之白艾里東臨小溪周一里二十步後復徙

郭邑里明崇貞十二年知縣阮振中申憲築壘石為堞設四門東曰興仁西曰宣泰南曰向明北曰拱極

各建城樓

國朝康熙十年知縣羅在位重修今圯址尚存

桐廬縣城池

舊志古城在縣西北唐貞觀二十年廢改築於桐廬鄉開元二十六年以邑有水患

復移於桐江口即今縣治是也無城現在四門有柵

欄南門宋時名望杭久廢明嘉靖四十三年通判魏

大用署縣事循舊址重建萬曆十三年知縣楊東建

城樓崇貞十一年燬後令曾守意重建名迎薰門北

門宋時名東北通衢嘉靖四十三年魏大用署縣事

重建改名拱極東西二門崇貞六年知縣楊際春建

東名啟明西名長庚

國朝雍正二年知縣張坦熊重建啟明拱極二門邑人郭

儼郭僖重

建長庚門

分水縣城池

圖經云周七百四步南距州一百九十二里莫詳何時所築廢亦莫考舊志阻山帶

溪壘石為門各架樓其上東曰迎恩西曰納祥南曰

來薰北曰拱辰明嘉靖癸丑知縣王鑛建後南北二

門圯

國朝康熙五十九年知縣李德峻重修東西二門東改曰

旭華西改

曰泰安

公署

嚴州府

府治

舊爲州治在子城北元改府治明洪武初改築城垣始移今所坐龍山正脉十七年知府周思勝重建正堂宣德六年知府徐孔奇建川堂八年知府萬觀卽後堂左翼爲住宅右翼爲肅敬堂天順八年知府張永修成化七年知府朱璉建正廳及幕廳廊廡重築周垣嘉靖二十八年知府莊王春併分司舊地建親賢館府前東西建承流宣化二坊規模大備中爲平理堂後爲川堂爲希范堂爲內宅門中待旦堂西後樂園有遐觀亭學圃亭正堂前爲露臺爲甬道爲戒石亭左爲經歷司爲架閣庫爲永豐庫右爲照磨所東西爲吏廊中爲儀門東偏爲迎賓館爲司獄司西偏爲土地祠爲六齋亭前爲大門爲譙樓萬厯五年知府楊守仁建靖共堂三十二年知府毛志尹重建後樂堂四十一年知府呂昌祚重新正堂

國朝順治間知府錢廣居建水月亭於衙左康熙初年知府劉茂先建景山堂於衙右八年知府梁浩然建水如齋於署西二十四年知府任風厚建偏廳於希范堂東咸豐辛酉經寇亂架木尙存同治四年知府戴槃次第修葺規模如前

清軍廳署在府治儀門東中爲正堂後爲川堂爲後堂爲內宅前爲甬道東西爲吏廊爲儀門爲土地祠爲賓館爲大門

督糧廳舊在府治儀門西裁後圯

理刑廳舊在府治儀門內裁後圯

經歷司在府正堂東久圯
照磨所 在府正堂西裁後圯

旌善亭 申明亭 旌善在府治前東首舊爲宋之宣詔亭基申明在府治前西首舊爲宋之

頌春亭基知府梁浩然重建今俱圯 各縣治前俱有旌善申明二亭存廢不一不備載

陰陽學

醫學

久廢卽於所居署事

僧綱司

道紀司

原無址卽所居寺觀署事

督學試館

在府治東明崇貞十五年郡人宋賢捐建中

臺爲甬道左右爲書役房兩廡各十楹爲號廠爲儀門爲大門爲府縣官候廳

國朝

康熙二十一年知府任風厚重修雍正三年督學彭

維新命新進生公捐督學李清澤踵行知府蔣林益以鹽引羨銀委員董理改造頭門儀門增建東西號廠重修大堂川堂後建高樓三間旁增平屋一十四間咸豐辛酉寇燬光緒乙亥知府宗源瀚重建

嚴協副將署

在親仁坊磊石巷

國朝

順治七年知府錢廣居建德縣知縣鄭應臯買民地

改建康熙三年協鎮鮑虎捐構隙地增建旁廳箭道

二十一年大水頭門圯協鎮洪起元重建

後川守云

營建

左營都司署

在興仁門內

兩營守備署

舊在興仁門內移建府治東即察院行臺舊基

舊志察院行臺分守道分巡道兵備道及各縣布按分司今俱圯廢不備載

建德縣治

在府治東南字民坊宋時建元末燬明洪武初知縣劉復禮重建錢公慶續修正統二年

知縣侯康遠成化十一年知縣潘浩相繼完葺舊學

在治左迨學既遷始拓其基萬歷十年知縣喻汝為

乃以儀門左為土地祠大門西為親賢館改建架閣

庫於主簿廨之前以大堂之西為耳房庫於川堂之

後為冰玉堂易大門為鼓樓改司牧坊為漢富春治

建旌善申明二亭於大門左右規制大備中為平政

堂後為無倦堂為冰玉堂前為甬道為戒石亭東西

為吏廊為儀門為大門譙樓

國朝

順治八年知縣鄭應臯重建正堂十三年知縣張文

韜重建兩廊康熙六年知縣胡應華建廣益堂於土

地祠之前十九年知縣夏景松建平廳於冰玉堂之西二十一年署縣事李夢鸞改建正堂儀門洪水圯

知縣戚延裔重修五十七年知縣薛景珏建講約所於大門東嗣後小有傾圯時加修葺

縣丞署

即贊政廳在縣堂左知縣胡應華建縣丞張配乾復建川堂後廳

主簿署

在縣堂右裁後圯

典史署

即梅仙署在丞廨前知縣項一經建典史郝應斗重建川堂後廳

涪安縣治

在城正北吳時新安郡治故址也元末燬明洪武二年知縣和鼎重建中為正廳東為幕

廳西為架閣庫前為甬道為戒石亭兩旁為吏廊又前為儀門外為譙樓正統元年主簿陳福建川堂後堂成化十二年知縣汪貴為月臺宏治四年知縣劉篴增建獄房嘉靖三年知縣姚鳴鸞重建名其後堂曰攸躋堂廳事為中正堂

國朝

順治三年知縣謝良琦重建縣堂七年羅漢章重修

學海堂十三年張一魁重修琢句堂建虬松亭治內舊有學愛堂製錦堂畫簾堂正己堂仕學軒秋風亭

環碧亭眾樂亭今皆不存

縣丞署

在正衙東舊有見山亭哦松亭裁後圯

主簿署

在縣治內裁後圯

典史署

在丞廨前內有梅隱軒

陰陽學

醫學

俱在縣治前明永樂年建

僧會司

道會司

即所居寺觀署事

遂安縣治

在縣市北坐五獅山舊在木連村溪北唐武德四年遷今所宋因之紹定間燬尋建元至

元丙子燬

明年縣尹朱世榮重建至治間縣尹楊天

澤修後至

元四年縣尹撤而新之明洪武三年知縣

凌暹天順

六年知縣成禮加修萬厯間知縣吳搗謙

馬呈鼎韓晟續修

國朝

順治十四年知縣高爾修重建正廳十七年知縣錢

周肅重建大中堂康熙三年知縣姚永康修東西廊

三十九年知縣陳學孔改建清心堂中為治堂後為

大中堂左右為耳房東為內宅為清心堂堂東為臬

憩亭為玉照軒乾隆十五年知縣吳培源重修正廳
十八年知縣周世恩重修清心堂退思軒玉照軒
憩亭舊有叢蘭館夢篆齋孔昭堂思補亭甘松亭俱
圯前為甬道為戒石亭為兩廊為儀門為譙樓東為
柱史坊西為聚奎坊

縣丞署 在縣堂東
裁後存址

主簿署 在縣堂西
裁後存址

典史署 在縣儀門外東
典史李守奎修

陰陽學 醫學
舊在縣右久廢
即於所居署事

僧會司 道會司
即所居寺
觀署事

壽昌縣治 在縣市北萬松山南舊治白艾里後移今所
元至元丙子燬縣尹朱世榮建正廳王子玉

建門樓廡宇後至元間縣尹王禹重新之明洪武間
主簿廖思賢建正堂景泰間知縣張瑄建川堂

國朝順治間知縣劉健重建鼓樓中爲正堂後爲川堂後
堂申申堂抱一堂正堂左爲幕廳康熙十年知縣羅
在位修兩廊儀門雍正七年知縣胡臺重修鼓樓乾
隆六年知縣單珏改造兩廊十七年知縣鍾沛重建
正廳

縣丞署
在後堂東
裁後圯

主簿署
在後堂西
裁後圯

典史署
在儀門
外東

陰陽學
醫學
即所居
署事

僧會司
道會司
即寺觀
署事

桐廬縣治
在縣市西北據安樂山之第二峰宋宣和間
令侯叔巘拓基建淳熙間令向雲建更清亭

於後山元泰定三年縣尹胡太古重修元末燬明洪
武三年知縣楊禮即舊基重建成化十年知縣馬隆

重建正廳十三年知縣何珖重建鼓樓十七年知縣盧鼎重建後堂崇貞十一年火知縣曾守意重建後

國朝順治間知縣張王治修康熙二十一年知縣童煒重修有記中爲正堂後爲先勞堂爲更清亭縣衙舊在更清亭之東有待旦堂茂對堂後樂堂又有聞絃堂今不存正堂左爲庫爲幕廳右爲耳房庫前爲甬道爲戒石亭東西爲吏廊爲儀門東爲土地祠爲寅賓館前爲譙樓康熙五十年知縣張璜重建儀門雍正二年知縣張坦熊重建譙樓乾隆三年知縣周宣猷增建思補堂

縣丞署 在儀門外東

主簿署 在儀門外西裁後圯

典史署 在丞署左

陰陽學 醫學 在譙樓外東偏

後川寺志 卷之五 營建

僧會司

道會司

即寺觀署事

舊志有桐江巡檢司在桐君山左明隆慶間改於窄溪埠後裁

分水縣治

在縣市正中當雙峰之麓唐武德年建宋季燬元元貞元年縣尹李讓建正廳延祐六年

復燬明洪武三年知縣余得賢重建二十八年知縣

毛思敏建譙樓葺廨宇正統八年知縣李觀建後堂

嘉靖間知縣吳希孟重建正堂隆慶三年知縣侯汝

白修川堂中爲正堂爲川堂爲忠愛堂後爲令宅有

裕後樓正堂左爲幕廳右爲耳房庫架閣庫前爲甬

道爲戒石亭東西爲吏廊爲儀門爲寅賓館爲土地

祠爲縣門譙樓前爲坊曰文獻名邦

國朝順治間知縣高鴻緒重建大門譙樓康熙十年知縣

胡必譽重建儀門二十五年知縣李榮增修五十三

年知縣向日升續修乾隆十八年知縣劉開燾改建

川堂創

置班房

典史署

在正堂左

陰陽學

醫學

並在縣治前

僧會司

道會司

並在縣治前

倉儲

嚴州府

和豐倉

在府治東北即宋都倉舊基明洪武初建明末傾圮

國朝康熙間通判王興禹重修知府

任風厚買穀置倉以備賑濟

義倉

明萬曆五年知府楊守仁倣朱子社倉勸民出穀聽各報多寡之數於官而穀即藏本家不入公庾

歲終六縣申報府白其狀於院司一百石以上者榮

以官帶四五十石二十石以下者給扁旌之仍刻

為冊給各圖里遞以防乾沒次年府開官倉平糶下

令義穀糶如官價秋積新穀如原數

國朝

舉行社倉六縣社穀額數多寡不同俱分置在城及鄉各立社長董其事民司出入官司稽查悉遵定制

建德縣

存留倉

舊在縣治儀門外西別建慶豐永裕等倉在縣後倉前莊雍正七年添建倉廩六間每間儲穀

六百石八年添建一十三間

預備倉

四所一在縣東二十五里一在縣西二十五里一在縣南三十里一在縣北二十八里俱廢

義倉

明萬曆間知府楊守仁建

淳安縣

存留倉

在縣大門內明宏治元年知縣劉篴重建又名廣積倉

國朝雍正七年添建倉廩五間每間儲

穀六百石八年添建一十三間

廣惠倉

在儀門左

預備倉

四所一在縣東龍山鄉一在縣西梓桐鄉一在縣南仁壽鄉一在縣北常樂鄉俱明初建今廢